

影印

文淵閣四庫全書

第一一六四冊

北京出版集團公司
北京出版社

本冊目次

金陵百詠	宋 曾 極 撰……………一
頤菴居士集	宋 劉應時 撰……………一七
水心集	宋 葉 適 撰……………三三
	明 黎 諒 編……………三三
南湖集	宋 張 鉉 撰……………五二七

欽定四庫全書

集部
金陵百詠

詳校官庶吉士臣陳若霖

主事臣呂雲棟覆勘

總校官知縣臣楊懋珩

校對官學正臣蔡必昌

謄錄監生臣李如梓

欽定四庫全書

集部四

金陵百詠

別集類三
宋

提要

臣等謹案金陵百詠一卷宋曾極撰極字景

建臨川布衣晚以江湖集事得罪謫道州卒

所著有壽陵小雅今已不傳此乃其詠建康

古蹟之作皆七言絕句凡一百首詞旨悲壯

有磊落不羈之氣嘗錄寄羅椅枸謝以書云

欽定四庫全書

金陵百詠
提要

不知景建是何肺腑能辨此等惱人語於千

載下令觀其詩如天門山云高屋建瓴無計

取二梁剛把當敵函新亭云江石于今成樂

土新亭垂淚亦無人大抵皆以南渡君臣畫

江自守無志中原而作其寓意頗為深切豫

章人物志載極遊金陵題行宮龍屏忤時相

史彌遠以是獲譴是編有畫龍屏風一首云

乘雲遊霧過江東繪事當年笑葉公可恨橫

總校官臣陸費墀

空千丈勢剪裁今入小屏風與人物志所紀
相合蓋其憤激之詞雖不無過於徑直而淋
漓感慨與劉過龍洲集氣格往往相同固不
徒以模山範水為工者也劉壘隱居通議摘
其中可惜當年殺嚴續無人為益決囚燈二
語謂續始終全美未嘗被殺不免誤用故事
考資治通鑑載陳覺使周還矯世宗詔命李
景殺嚴續景表請於周明續無罪覺詐始露

欽定四庫全書

金陵百詠
提要

三

而續得免是續寔未被殺壘所駁良是究其
致謬之由蓋以姚寬西溪叢語有鍾謨奉使
歸唐以陳覺矯周帝之命斬嚴續事言於唐
主云云所言不具首尾極遂以為寔有是事
也又決囚燈事以中主誤為後主亦為舛舛
是則考證之偶疎固不必為之諱矣乾隆四
十六年五月恭校上

總纂官臣紀昀臣陸錫熊臣孫士毅

欽定四庫全書

金陵百詠
提要

三

欽定四庫全書

金陵百詠

宋 曾極 撰

金陵

楚威王以其地有王氣埋金鎮之故曰金陵或

曰以其地接華陽金壇之陵

鑿地破除函谷帝埋金厭勝郢中王興亡總不關君事

五百年前枉斷腸

欽定四庫全書

金陵百詠

攝山

在城東北四十五里有齊文惠太子鑿石為佛

見存江乘地記村有草可以攝生故名陳軒有

攝山十詠

一丈唐碑今露立十尋梵塔已低摧層層石佛雲間出

坐閱齊梁成劫灰

方山

葛玄煉丹之地

人間底事有方壺劍截青瑤界碧虛試上殊庭瞻醉葛
仙雲垂帶護儲胥

覆舟山

在城北五里晉北郊壇宋藥園壘樂遊苑冰井

甘露亭皆在此山

六代興亡貉一丘繁華夢逐水東流操蛇神

原注列子
注山海之

神皆向山前笑三百年前幾度舟

樂官山

欽定四庫全書

金陵百詠

二

南唐初下時諸將置酒樂人大慟殺之聚瘞此

山故名

城破轅門宴賞頻伶倫執樂淚橫巾駢頭就戮緣家國

愧死南歸結綬人

天門山

在當塗西南三十里又名蛾眉山夾大江東曰

博望西曰梁山 又號東西梁山 李白銘有

曰梁山博望關扁楚濱夾據洪流實為吳津兩

坐錯落如鯨張鱗惟海有石惟川有神牛渚怪
物日圍車輪光射島嶼氣凌星辰卷沙揚濤溺
焉殺人國泰呈瑞時訛返珍開則九江納錫閉
則五嶽飛塵天險之地無德匪親

鯨翻鰲負倚江潭天險由來客倦談高屋建瓴無計取
二梁剛把當穀函

西原

衰草寒雲雁一行牽愁水似九迴腸游人欲問千官事

欽定四庫全書

金陵百詠

三

翁仲無言卧夕陽

龍洞

在清涼寺前

江流遠引背烟嵐平陸何年重舉帆斷岸挿天危欲墜
六朝龍去祇空巖

鍾山石

鍾山在上元縣東北十八里輿地志古曰金

陵山縣名因此又名蔣山漢末秣陵尉蔣子文

討賊死事于此吳大帝為立廟子文祖諱鍾因

改曰蔣山此山本無草木東晉時刺史還任者

栽松三千株下至郡守各有差一名北山齊周

顒隱于此此山有石脉理皆紅潤

戰血潛流石脉中蒼厓鑿斷見殷紅千年殺氣方回薄

草木無春山盡童

梁金華宮石

輿地志云梁大同中所築昭明太子蔡妃所居

欽定四庫全書

金陵百詠

四

在青溪東石今在府治

照影清溪眩_闕奇推遷十代市朝非莫欺蘚眼蒼苔面

曾伴昭明識蔡妃

大江

郡國志西北自六合縣界流入舊濶四十餘里

昔魏文帝登廣陵觀兵戎卒數十萬旌旗數百

里臨江見波濤洶涌歎曰吾武騎萬隊何所用

之嗟乎此天所以限南北也

烽烟歲歲滿江干將帥誅求盡少寬未得三軍如挾纊
憑誰數處護風寒

秦淮

在縣南三里始皇時望氣者言金陵有天子氣
使朱衣鑿山為瀆以斷地脉改金陵為秣陵晉
陽秋秦開故曰秦淮或云淮水發源屈曲不類
人工

鑿斷山根役萬人祖龍癡絕更東巡石城幾度更新主
欽定四庫全書

金陵百詠

五

玄武湖

在上元縣北十里宋元嘉間有黑龍見故名今
為後軍寨

當日湖光澈鏡心龍旗鳳吹此登臨而今鐵馬迴旋地
斜照黃塵一尺深

四太子河

上東門嘯本同科天誘金人智詐多刁斗夜鳴兵四合

五更平陸已成河

西浦

張碩遇杜蘭香處

珠璫錯落江皋佩羅襪輕盈洛浦妝欲採蘋花擲春信
停橈難覓杜蘭香

桃葉渡

一名南浦渡金陵覽古在秦淮口桃葉者晉王
獻之愛妾名也獻之詩云桃葉復桃葉渡江不
用楫但渡無所苦我自迎接汝不用楫者謂橫
波急也獻之歌此送之

欽定四庫全書

金陵百詠

六

裙腰芳草抱長隄南浦年年怨別離水送橫波山斂翠
一如桃葉渡江時

采石渡

事見揮塵錄及楊文公談苑

石琢浮屠遍水濱興亡歲久已成塵長江靜夜蘆花月
莫信牽愁撥擢人

五馬渡

晉元帝渡江童謠云五馬渡江一化龍識者謂

吳越之地當興王

仲達欺孤與操同豈能長世撫提封瑤圖暗換君知否

班特浮江自化龍

白鷺洲

丹陽記在江中心南邊新林浦西邊白鷺洲上

多白鷺故名

欽定四庫全書

金陵百詠

七

江水悠悠綠染衣淮山渺渺翠成圍南朝鷺序歸何處

唯見滄洲白鳥飛

黃天蕩

受金縱敵將何知曹沫功名失此時雁足不來貔虎散

沙頭蚌鷸謾相持

三十六陂

按王介甫有西太乙宮詩云楊柳鳴蜩綠暗荷

花落日紅酣三十六陂春水白頭想見江南

增注

渺然三十六陂春石黛潮生歲歲新楊柳杏花渾好在
吟邊只欠跨驢人

胭脂井

陳末後主與張麗華孔貴嬪投景陽井以避隋

兵舊傳云欄有石脉以帛拭之作胭脂痕一名

胭脂井又名辱井在法華寺或云白蓮閣下有

小池面方丈餘或云在保寧寺覽輝閣側

欽定四庫全書

金陵百詠

八

寒泉玉甃沒春蕪石染胭脂潤不枯杏怨桃羞嬌欲墮

猶將紅淚洒黃奴

寶公井

在市心

一片當街百尺深行人環轍免苔侵塵容俗狀暫窺影

欲汲寒泉洗此心

木園

寢殿重重設木園崎嶇天位不勝危高人巢許應知此

占得箕山最坦夷

射殿

有七十間旁多槐竹

鶴蓋陰陰覆苑牆更添蒼雪助清涼高皇儉德規模遠

不作南朝石步廊

李賀詩春熱張鶴蓋兔目宮槐小蕪子瞻竹詩蒼雪紛紛落夏葦丁公言

詩因憶南朝石步廊

行廊

負矢前驅敵未擒虎侯高揭意何深文皇決拾精天下

欽定四庫全書

金陵百詠

九

偏愛良工辨木心

古龍屏風

宣和舊物高宗攜之渡江後壞爛宮官惜之剪

裁背成屏風立殿上

乘雲游霧過江東繪事當年笑葉公可恨橫空千丈勢

剪裁今入小屏風

新亭

在城南十五里金陵覽古在江寧縣十里洛陽

四山園伊洛溼澗在中建康亦四山園秦淮直

瀆在中故云風景不殊舉目有山河之異李白

云山似洛陽多許渾云只有青山似洛中謂此

也蔡蕤作天津橋亦以此

青山四合遶天津風景依然似洛濱江左于今成樂土

新亭垂淚亦無人

賞心亭

下臨秦淮盡觀覽之勝丁晉公謂建嘗以周昉

欽定四庫全書

金陵百詠

十一

所畫袁安卧雪圖張于屏後太守易去續志又

云丁始典金陵陞辭之日真宗出八幅袁安卧

雪圖付丁謂曰卿到金陵可選一絕景處張此

圖謂遂張于賞心亭柱上有蕪子瞻題名猶存

柱上題名客姓蕪江山清絕冠吳都六花飛舞凭闌處

一本天生卧雪圖

冶城樓

冶城即今天慶觀地本吳冶鑄之所晉元帝移

于石頭城東 唐德宗時浙江觀察使韓滉于
建康石頭築五城曰石頭城曰冶城曰臺城曰
苑城曰新城

裊裊疎林集晚鴉鍾山雲氣入簷牙何人乘月吹長笛
夜看雲陵百萬家

南軒

在保寧寺方丈旁有小屋張魏公開督府時子
讀書于此號南軒下有井土人指為建業水

欽定四庫全書

金陵百詠

十一

劍磨驢膊倦征途三歲南軒客寓居建業水甘供日飲
波間亦有武昌魚

板橋

在城內

輪鞅千年路欲迷板橋名在市朝非元暉太白微吟處
獨酌悠然命駕歸

高座寺

名永寧寺在城南門外或云晉朝法師竺道生

所居因號高座寺蓋用劉禹錫詩中語

石子岡前高座寺犢車曾向此徘徊清談未解傾人國
更引番僧度海來

清涼寺

即李王殿

秋月春花迹未陳袞龍曾遶夢中身夷門金鼓從天落
驚起床頭鼻鼾人

同泰寺

欽定四庫全書

金陵百詠

十二

在臺城內梁武帝窮竭帑藏造大佛閣七層為
天火所災

布薩開齋涕泗揮大通基在昔人非此身終屬侯丞相
誰辦金錢贖帝歸

宋興寺

劉裕故居也

晉至昌明祚已終識文猶有兩昏童桓立偷得宮中璽
卻屬新河代荻翁

湘宮寺

事見通鑑

數椽敗屋湘宮寺
虞愿忠規正凜然十級浮屠那復有
虛拋貼婦賣兒錢

鐵塔寺

元懿太子殯宮在焉

逝水無情去不回
黃簾窳地隔風埃
摩挲鐵塔堪流涕
此是先皇思子臺

欽定四庫全書

金陵百錄

十三

寶公塔

六帝園陵墮劫灰
獨餘靈骨葬崔嵬
行人指點雲間鶴
喚得齊梁一夢回

長干塔

事見僧史

十丈祥光起相輪
鐵浮屠鎮法王墳
只愁西域神僧至
夜捧長干剎入雲

劉莎衣菴

主

金人入侵高宗召問之云
沒事沒事兩家都換
佛狸麾騎飲長江
呼吸安危闔國忙
南北兩家都換主
從容一語悟高皇

八功德水

在蔣山悟真庵後按梅摯亭記
梁天監中有胡僧曇隱寓錫于此
山中乏水時有龐眉叟相謂
曰予山龍也知師渴飲措之無難
俄而一沼沸

欽定四庫全書

金陵百錄

十四

成後有西僧繼至云本域八池已失其一似竭
彼盈此也其泉一清二冷三香四柔五甘六淨
七不饑八蠲痼故名八功德水自梁以前嘗取
給

數斛供厨替八珍
穿松漱石瑩心神
中涵百衲烟霞色
不染齊梁歌舞塵

後主祠

真珠簾下變離聲
多少嬌妃掩袂聽
贏得牢愁三萬斛

孤舟撐入大梁城

荆公祠

霜筠雪竹古精藍投老歸與志自甘一食萬錢終忍垢
魚羹飯美憶江南

文孝廟

德隱前星民已和山隈水曲廟何多皇孫不得承天統
猶使而翁恨蠟鵝

謝玄廟

欽定四庫全書
金陵百詠
五
兒輩能軍國未危更令朱序助聲威秦人若也全師集
雲母車盛晉鼎歸

蔣帝廟

白馬千年繫廟門爐烟浮動袞龍昏闔棺謾說榮枯定
青骨猶當履至尊

吳大帝廟

在石頭城世代相傳廟基即吳時故宮

曾將一劍定全吳斗大祠庭泣楚巫故國神遊應撫掌

蘆花楓葉幾年無

晉元帝廟

茅茨綿蕝寄江東陵廟回看渫血紅右社危冠纔自保
未能無責敢言功

中主像

據教為粥事見五代史

乘時草竊豈無人三主相傳事有因畢竟老天憐一念
據教為粥活飢民

謝公像

欽定四庫全書
金陵百詠
六
失喜向來因折屐含悲今日為聞笳人間悲喜何時了
攜伎東山載酒行

大茅君像

面如頰玉碧壚寒散髮垂腰櫛葉乾不向大茅峰頂見
時人多作伏羲看

吳大帝陵

老瞞虎裂橫中州何物生兒作仲謀四十帝中功第一

壞陵無主使人愁

荆公墓

誤把清標犯世紛平生忠業自超羣如何今代麒麟閣
只道詩名合策勲

卞將軍墓

握節顏公拳透爪歸元先軫面如生晉陵發掘今無主
獨有忠魂只治城

張麗華墓

欽定四庫全書

金陵百詠

七

在賞心亭天井中時有光氣如匹練掬之如水

銀漸流散

伴侶聲沉王氣銷香魂血淚有誰招蓬科三尺光塵在
猶作臺城花月妖

臺城

紫蓋橫天整復斜興亡接翅似昏鴉舊時石闕摩雲處
荻屋荆扉一兩家

宋受禪壇

赤紙藤書宋鼎歸寄奴柴燎告功時普天大慶交新主
唯有徐公雙淚垂

南唐郊壇

上帝神兵破石頭別離歌管六宮愁燔柴空有高壇在
乞與千年麋鹿遊

李氏宮

本朝修李氏宮掘地得水銀數十斛宮娥棄粉
膩所積也事見湘山野錄

欽定四庫全書

金陵百詠

八

埋愁無地奈君何可是黃壚飲恨多玉鏡臺前棄脂水
深泉流永尚盈科

華隱樓

即陶隱居故宅

松聲聽罷獨看雲華隱樓中控鶴身治國神方難自獻
祇將本草語時人

華林園

羽葆來臨鼓吹停華林暢飲倒長瓶萬年天子曾騰眼

錯認長星作酒星

養種園

後主于宮中作紅羅亭賞紅梅韓熙載獻詞云
桃李不須誇爛漫已輸了春風一半

百花堂裏賞芳菲江左羈臣淚濺衣腸斷上林桃李樹
春風一半未全歸

潑墨池

在茅山費長房學道處圖經云石墨池蓋大小

欽定四庫全書

金陵百詠

元

二酉山藏異書見穆天子傳唐人穴石為硯注

道德經見隱逸傳

二酉珍儲已徧窺仙班寧肯列愚癡注經穴石須勤苦
留得千年潑墨池

商飈館

即九月臺也地產胭脂菊

商飈基在昔人非草木猶為富貴移曾是六朝歌舞地

黃花一半染胭脂

夢筆驛

晉尚清談筆力衰文章高下亦隨時景純不作文通死
五色毛錐付與誰

蛇盤驛

枳籬華屋半雕殘列肆屠羊客卸鞍霸氣銷沉形影歇
龍盤何事作蛇盤

射雉場

不整軍容北射狐却資媒翳取歡娛山梁飲啄關何事

欽定四庫全書

金陵百詠

子

浪費君王金僕姑

烏衣巷

在秦淮南去朱雀橋不遠晉紀瞻立宅烏衣巷

王導自卜烏衣巷王氏別族居馬叢巷

吳兵曾住黑雲都江左夷吾此卜居休把烏衣輕馬巷

懸鵝結駟總丘墟

鍾山番人窟

千羣鐵騎遠來侵鑿穴鍾山用意深天塹連空遮不斷

烟塵直到海中心

展上公

高辛時人居玉李溪

浩劫循環無始終年年玉李杲春空初成未占茲山頂
古老唯傳展上公

東晉

斷簡殘編迹可尋諸賢興復不關心未應全罪王夷甫

一任神州自陸沈

欽定四庫全書

金陵百詠

五

漁父

後主召一隱者問近曾作何詩云有漁父詩風

雨揭却屋全家醉不知

智士旁觀當局迷滄浪釣叟出陳詩江頭風怒掀漁屋

底事全家醉不知

昇元閣鐸

昇元閣一名瓦棺閣乃梁朝建高二百四十尺

李白有日月隱簷楹之句今之昇元閣非古基

矣石柱二見屹立右軍教場中

摩挲石柱蘚痕斑亡國如鴻去不還無復切雲三百尺
祇傳風鐸在人間

孫陵鵝眼錢

六代初終幾變遷孫陵無樹起寒烟青蚨細薄如榆莢
猶是當年買笑錢

澄心堂

王直方詩話澄心堂紙江南李後主所製劉貢

欽定四庫全書

金陵百詠

五

父詩當時百金售一幅澄心堂中千萬軸

楮生玉面霧深藏未宜橫陳翰墨場一幅降牋何用許
價高緣寫宋文章

德慶堂字

李王所書南唐但餘此物李王筆法有鐵鉤鎖

森然筆勢聚千將氣軋鍾王未宜降惆悵當年鐵鉤鎖
可能無意鎖長江

南唐金銅香爐

製作元從建業宮形模奇古雜金銅烟昏塵暗君休笑
曾在紅羅扇影中

南唐宮中殘獐

南唐宮中忽得殘獐一枚陳陶云是夜狼星上

直

周廬巡徼列千兵那得殘獐墮禁庭鹿走棘生先有象
天文未必直狼星

南唐遣使

欽定四庫全書

金陵百詠

五

談鋒疊折強隣專對當年亦有人國老胸中兵百萬
不將全力靠江神

玉樹後庭花

結綺臨春成草莽繁華都入暮烟中後庭玉樹迎秋色
猶帶張妃臉上紅

三段石

上元縣南三十里有段石岡丹陽記云有大碣
石長二丈折為三段紀吳功德其文東觀今華

覈作其字大篆或又云皇象書也今移在府中
凜然皇象法書存重屋應無野火焚割據英雄餘一念
斷碑千載尚三分

沒字碑

漫漫荒池浸綠蕪殘碑一丈載龜趺當年刻畫書
雨打風吹字已無

校官碑

在溧陽縣官廨

欽定四庫全書

金陵百詠

五

風摧雨剝校官碑集古先生竟不知同是光和千歲刻
未容苦縣獨稱奇

石麒麟

地名

短樊長塹起寒烟知是何人古墓田千載石麟相對立
肘駸膊焰故依然

石步道中有石麒麟數十

地悴天荒丘隴平難從野老問衰興蒼烟落日低迷處

折足麒麟記壞陵

水精大珠

真廟所賜照物皆倒又物影沈在下上段無影
冰玉摩尼如鵲卵大千世界倒懸中何人提向江頭照

照見神州一半空

輜車

姪姹吳音今古同宮粧袷服已成空雕文結角輜車巧
猶有梁陳宮掖風

欽定四庫全書

金陵百詠

五

決囚燈

後主決死囚燃佛燈決之囚家賂左右竊益膏

油輒得不死

五詳三覆始施刑明滅蘭膏豈足憑可惜當年殺嚴續

無人為益決囚燈

江南錄

事見荆公集

自古嬰鱗或似狂按誅潘佑事堪傷憑誰寄語徐常侍

不殺忠臣國未亡

蜀海棠

傳芳遠遠自西隣錦傘高張慰眼新花睡覺來紅淚落
年年如憶故宮春

鳳州柳

鳳州柳蜀主與江南結婚求得其種鳳州出手

柳酒

蜀主函封遣使時芳根元自鳳州移柔荑醺醖今安在

欽定四庫全書

金陵百詠

五

唯有青絲拂地垂

南燭草木

駐采還年枉費功羞將老色照青銅仙方石餽無消息

南燭垂珠顆顆紅

榧櫨

形如木瓜熟時金黃陶弘景五和糝中用之

子丹進饌色微黃仙老調脔有禁方五和糝奇無處覓

榧櫨新熟壓枝香